

建安縣志卷之六

人物

玉蘊山輝珠藏川媚建邑名區秀靈鍾異賢哲
挺生紹休聖緒日月麗天江河行地綿武經文
忠孝節義頌詩讀書知人論世揆藻三都激芳
六藝文苑儒林書沿義例肥遯丘園閒閒泄泄
淑媛貞姬靡他自誓微顯闡幽綱常所係羽客
緇流向來附誌經正民興未容樹幟志人物第
十二

建安縣志

卷之六

理學

理學

宋

朱熹字元晦一字仲晦世為徽之婺源人居紫陽
山下父松尉尤溪而熹生焉幼穎悟甫能言父指
天示之曰天也熹問天之上何物松異之就傳授
以孝經一閱題其上曰不若是非人也嘗從羣兒
戲於城南橋頭沙上獨端坐以指畫沙作八卦年
十三父病革以後事囑劉子羽謂熹曰崇安胡憲
劉勉之劉子翬吾友也汝往父事之子羽為築室

于其里奉母祝夫人以居勉之妻以女憲與子暈
撫教如子姪紹興十八年中進士第授左迪功郎
泉州同安簿往見延平李侂得聞河洛之懿侂稱
之曰樂善好義鮮與倫比又曰穎悟絕人力行可
畏尋之任同安長吏事倚以決苟利於民雖勞無
憚選邑之秀民克弟子員日與講說聖賢修己治
人之道聞其風者已知學之有師秩滿丐祠奉母
兩被召不赴孝宗立應詔上封事言帝王之學不
可不熟講修攘之計不可不早定本原之地不可

建安縣志

卷之六

理學

二

不加意帝王之學必先格物致知以極事物之變
使義理所存纖悉畢照則意誠心正可以應天下
之務又曰今日之計不過修攘政事然計不時定
者講和之說疑之也又曰四海利病係斯民休戚
斯民休戚係守令賢否監司者守令之綱朝廷者
監司之本本原之地在朝廷而已隆興初復召入
對上三劄申言前意而加剴切時湯思退方倡和
議除武學博士請祠除樞密院編修官待次已而
大臣相繼論薦皆不赴起知南康軍條三事以教

民每五日一詣學講說復建白鹿洞書院會亢旱
修舉荒政民無流殍明年大旱應詔上疏極陳近
習蒙蔽之狀以病請祠不報陳俊卿等薦除江西
常平使改浙東乞頒行建安社倉之法復值旱蝗
其措置一如南康條奏災異之由與修德任人之
說凡七事至部訪民隱舉荒政劾台守唐仲友汚
濫章凡十上仲友與宰相王淮同里且姻家尚書
鄭丙御史陳賈希淮意上疏毀程氏學以陰阻熹
於是奉祠五年復除江西提刑會淮罷相熹入奏

建安縣志

卷之六

理學

三

拳拳以謹察天理人欲爲說有要之於路者曰正
心誠意之論上所厭聞戒勿以爲言熹曰吾生平
所學惟此四字豈可阨默以欺吾君乎奏上除兵
部郎官以足疾辭會侍郎林栗與熹論易及西銘
不合劾熹僞學坐罷黜熹亦與祠未逾月再召熹
進封事以天下大本與今日急務爲言大本者陛
下之心急務則輔翼太子選任大臣振舉紀綱變
化風俗愛養民力修明軍政是以斯六者皆不則
緩而本在陛下之一心疏入夜漏下七刻上已就

寢亟起秉燭讀之終篇翌日除崇政殿說書會執政有指道學爲邪氣者遂力辭以修撰奉祠又辭光宗卽位降詔獎諭除江東運副改知漳州奏除屬縣無名之賦七百萬減經總制錢四百萬以俗未知禮乃條古今禮律命父老解說以教子弟請行經界法或有阻之者尋請祠後除命屢及門皆不拜未幾除湖南安撫迨峒獠擾屬郡熹恐其滋熾遂拜命至則責以禮義賊皆來降乃申嚴武備戢姦豪興學校湖湘子弟素知問學伺公退則請

建安縣志

卷之六

理學

四

質所疑熹問誘不倦寧宗卽位以趙汝愚薦召除煥章同待制侍講首勸上盡負罪引慝之誠致溫清定省之禮又勸上於日用之間以求放心爲本而於玩經史親儒學益用力焉數召大臣切劘治道反覆詢訪以求政事之得失民情之休戚因以察人才之邪正長短庶於天下之事各得其理又乞遵行孝宗通喪之禮及議僖祖不當祧一日進講畢上曰看來緊要處只在求放心耳熹頓首曰陛下出此語是乃聖學之要領願今以後見於

行不患不爲堯舜之君也時韓侂胄自謂有定策
功居中用事熹憂之上疏斥言左右竊柄之失在
講筵復申言之未幾以寶文閣待制補郡尋依舊
職奉祠初趙汝愚旣相中外引領望治熹獨惕然
以侂胄用事爲慮汝愚謂其易制初不以爲意及
汝愚以誣逐而朝廷大權悉歸侂胄後僞學禍起
熹遂落職罷祠慶元六年三月甲戌以病卒時年
七十三疾且革手書屬其子在及門人范念德黃
幹惟以勉學及修正遺書爲言翌日正坐整衣冠

建安縣志

卷之六

理學

五

就枕而逝熹登第五十年任于外者僅九考立朝
纔四十日而閒居者四十餘年山林之日長講學
之功深其學大抵窮理以致其知反躬以踐其實
而以居敬爲主其所著述則章句字義至細至微
莫不理明詞順易言易行使聖賢相傳之道一旦
豁然如日麗中天可謂集諸儒之大成而繼往開
來者也初依劉子羽居崇安晚遷建陽之考亭後
結草堂于廬峯之雲谷扁以晦菴亦號雲谷老人
旣又創竹林精舍更號滄洲病叟窳後因筮遇遯

之同人更名遜翁熹父初仕入閩游宦後來僑寓
延建間晚寓建州城南熹年十四而父卒於環溪
精舍遂改卜建安之紫霞洲長子塾先熹卒孫鑑
亦復居建安其子塾林在曾孫浚所著有周易本
義啟蒙著卦考誤詩集傳遺說緒說學庸章句或
問論孟集註太極圖傳通書西銘解義楚辭集註
辨證後語韓文考異參同契解論孟集義中庸輯
畧孟子指要孝經刊誤小學通鑑綱目宋名臣言
行錄家禮近思錄程氏遺書外書伊洛淵源儀禮

建安縣志

卷之六

理學

六

經傳通解未脫稿平生所爲文凡百卷門人問答
語錄百二十卷行於世侂冑旣誅朝廷復熹官贈
寶謨閣學士謚曰文理宗朝贈太師追封信國公
改徽國公從祀孔子廟廷又勅立建安書院以祀
之明景泰間改建祠於紫霞洲錄其嫡裔世襲翰
林五經博士以奉祠事其贈謚從祀悉如宋元崇
禎中追稱大賢

詳見宋史本傳我

朝尊崇於康熙五十一年發部議移進十哲奉祀孔

子廟廷

宋

曹修古字述之舉進士累遷監察御史上言四事辭甚切至又奏唐貞觀中嘗下詔令致仕官班本品見任上欲其知耻而勇退也比有年餘八十尚仕班行心力既衰官事何補請下有司敕文武官年及七十上書自言特與遷官致仕仍從貞觀舊制卽宿德勲賢自如故事因著爲令一日偕三院御史十二人晨朝將至朝堂黃門二人行馬不避

建安縣志

卷之六 名宦

七

呵者止之反爲所詬修古奏御史尊則天子尊今黃門侮慢若此請付所司劾治帝聞命立答之晏殊以笏擊人折齒修古奏其忿躁亡大臣體司天監主簿苗舜臣等常言土宿留參太白晝見詔百官同考定及奏皆謂土宿留參順不相犯太白晝見日未過午舜臣等遂以妄言災變被罰修古奏言百官所定希旨悅上未足爲信今罰舜臣等其事甚小然恐人人自此畏避取容以災爲福所損至大禁中以翡翠爲服玩詔市于南越修古請罷

之時頗崇建塔廟議營金閣修古極賦其不可欠
之出知歙州徙南劍州始建學館市田復士爲諸
郡倡政平訟理吏民畏服復爲開封府判官歷殿
中侍御史刑部員外郎知雜司事同判吏部留內
銓未踰月會太后兄子劉從德死錄其姻戚至於
斯役幾八十人修古與楊偕郭勸段少連交章論
列太后怒皆削一官以修古爲工部員外郎隨通
判杭州未行改知興化軍澹泊簡易循良爲閩中
宦會赦復官遽卒於莆修古博學而文善議論內

建安縣志

卷之六

名宦

八

和外剛當太后臨朝權倖用事人人顧望畏忌而
修古獨遇事敢言旣歿士論惜之太后崩帝思修
古特贈右諫議大夫賜其家錢二十萬錄壻劉勳
爲試將作監主簿修古無子以兄子覲爲後弟修

睦

鄭穀字致剛授陸安府教授權信陽縣尉監南京
酒稅召爲御史臺主簿張邦昌僭號穀挺身見高
宗濟州旣卽位擢監察御史再遷諫議大夫高宗
至杭州穀請察舉吳越賢俊之士簡任拔舉以濟

時艱苗傅劉正彥等逆亂擁兵行宮門外梟王淵
首悉捕斬諸內侍逼尊高宗爲睿聖皇帝請隆祐
太后垂簾聽政而立皇太子高宗繼宰臣朱勝非
下樓諭之二凶猖辨不伏鼓廷立而折且謂逆賊
凶燄熾甚非請外援無可爲者乃上章待罪求去
且欲見呂頤浩議興復計太后降詔不允尋拜御
史中丞時二凶竊威福肆殺戮日至都堂侵紊機
政毀言黃門宦者之設供掃除而已與政事則貪
暴無厭假兵權則慘毒無已故宦官用事則生人

建安縣志

卷之六 名宦

九

受禍匹夫力不能勝則羣起而攻之是以靖康之
初羣起而攻之者庶民也睿聖皇帝南渡駐蹕未
安羣起而攻之者衆兵也今當痛革前弊選擇其
人曾經事任招權納寵者屏之遠方俾無浸淫以
激衆怒仍諭軍法便宜止行于所轄軍伍其餘當
聞之朝廷付之有司明正典刑所以昭尊君之禮
全臣子忠義之節也疏留中不出鼓請付外行之
二凶爲少戢又論黃潛善錢伯言呂源之罪請寘
削有差及聞召呂頤浩簽書樞密院事又以禮部

尚書召張浚且分其兵浚不受命因譴浚柳州穀
知出二凶奸謀具章乞留頤浩知金陵浚不當貶
不報穀遂遣所親變姓名徒步如平江見浚等且
言城中事以爲嚴設兵備大張聲勢持重緩進使
賊自遁無驚動三宮此爲上策因賦杜鵑詩令密
示諸同署浚等聞之皆感激奮勵爲赴難計詔睿
聖皇帝爲皇太弟天下兵馬大元帥幼主爲皇太
姪穀與御史王庭秀上疏力爭太后召對諭曰今
欲令睿聖皇帝總領兵馬爾穀奏曰臣不知其他

建安縣志

卷之六 名宦

十

但人君位號豈容降改聞之天下孰不懷疑雖前
世衰亂分裂之時固未有旬日之間易兩君一朝
降兩朝位號者也太后遂令穀赴都堂商議穀至
責問二凶且曰太尉若要做官家須是先殺了穀
言甚激烈劉正彥起曰某等荷中丞教誨豈敢負
國恩中丞誤見疑遂不降詔太后乃以穀與李邴
並爲端明殿學士同簽書樞密院事力謀復辟三
日高宗反正張浚等率勤王之師將至城下然城
中兵柄皆在二凶之手穀恐變生不測因說之曰

今日主上復辟皆出二公獨奮忠義功蓋一時但勤王諸公未嘗委曲恐衆怒未息兩兵相向妄有殺戮今欲暫除二太尉大使領重兵出外少避諸公入城具言二太尉復辟之功使三軍曉然無疑然後大用未晚也二凶許諾卽日除苗傅江南制置大使正彥副使領兵出城纔閉關張浚等兵已交鋒苗劉敗走高宗卽除穀簽樞特封建安縣開國男食邑四百戶穀自難作夙夜盡瘁至忘寢食凡輔政百日而卒高宗嘆悼久之顧謂大臣曰朕

建安縣志

卷之六

名宦

七

喪元子猶能排遣于穀殆不能釋也謚忠穆

袁樞字機仲祖勝之以信義聞建炎間張范二寇欲屠其鄉勝之挺身往說遂引去樞初試太學周必大劉琪皆期以遠器後試禮部詞賦第一乾道初以興元軍教授充禮部試官就除太學錄張說以節鉞僉樞密與學省同僚其論之上雖容納而色不怡樞退詣宰相示以奏疏曰公不耻與檜等位耶虞允文愧甚樞卽求外補出爲嚴州教授樞常喜誦司馬光資治綱鑑苦其浩博乃區別其事

而貫通之號通鑑紀事本末叅知政事龔茂良得其書奏之孝宗讀而嘉嘆以賜東宮及諸帥且令熟讀曰治道盡在是矣以大宗正主簿召殿對歷陳漢武而下至唐文宗偏聽姦佞致于禍亂且曰固有詐僞而似誠實儉佞而似忠鯁者苟陛下日與圖事帷幄之中進退天下士臣恐必爲朝廷累上對曰朕不至與此輩圖事樞謝曰陛下言及此天下之福也遷太府丞上方銳意北伐樞奏古之謀人國者必示之以弱苟陛下欲復金仇臣願

建安縣志

卷之六

名宦

三

蓄威養銳勿示以形兼國史院編修官分國史章惇家求爲潤飾其傳樞曰子厚爲相負國欺君吾爲官吏法不隱惡寧負于鄉人不可負天下後世公議時相趙雄總史事嘆曰無愧古良吏矣累遷吏部郎管兩淮命兼視真楊廬和四郡歸陳兩淮堅固則長江可守今徒備江不知備淮置重兵于江南委空城于淮上非所以戒不虞瓜州新城專爲退保金使過南指議淮人聞而嗟嘆誰爲陛下建此策也遷軍器少監除提舉江東常平茶鹽改

知處州赴闕奏樞之使准入對也嘗言朋黨相附則大臣之權重言路壅塞則人主之勢孤時宰不悅至是又申言之除吏部員外郎遷大理少卿通州民以產業事下大理殿中侍御史金世光納厚賂曲庇之樞直其事以聞人爲危之上怒立罷世光以朝臣劾御史實自樞始手詔權工部侍郎仍兼國子祭酒寧宗朝擢右文殿修撰知江陵府江陵涉大江歲壞于巨浸民無所托樞爲室廬徙民居之種木數萬以爲捍蔽民德之尋爲臺臣劾罷

建安縣志

卷之六 名宦

三

以實謨閣侍政致仕卒年七十五樞臨民則以直辨聞立朝則以啟沃諫克盡乃職爲世師表所著有易傳解義辨童子問等書

詳見宋史本傳

明

楊榮字勉仁初名子榮登建文庚辰進士除翰林編修太宗入正大統更名榮初建內閣簡儒臣七人其中專典機務七人者榮及解縉胡廣黃淮胡儼金幼孜楊士奇也榮齒最少獨以才見重時國事方殷榮與同列旦夕侍左右承顧問退治職務

且兼稽古纂述之事不虛寸晷而榮尤勤勵遂遷
修撰數月復進侍講永樂間屢奉命甘肅計度邊
務還奏輒稱旨尋命侍諸皇孫學及從征瓦剌凡
行營有暇卽與皇長孫講析義理開其聰明遷翰
林學士兼庶子十六年高廟實錄成命掌院事益
見親密一時廷臣狎恩多縱榮因密言十弊進文
淵閣大學士仍兼翰林學士尋扈從北征時三殿
災榮偕同列陳便宜十數事皆見施行尚書夏原
吉以軍饑不給坐繫呂震言其柔姦侍讀李時勉

建安縣志

卷之六

名宦

十四

常論事亦有言其賣直者皆激上怒榮委曲爲之
辨解二十一年秋復扈從西征駐蹕萬金一切軍
務悉以委榮二十二年復從北征浙江處州之麗
水福建之政和山寇剽掠兵部請發兵勦之榮曰
愚民窮於衣食剽掠求活耳急之則益生變臣以
爲莫若招撫便上從之卒如榮言無事上常語榮
及金幼孜曰東宮監國久熟于政務此歸悉付以
天下事吾惟優游莫年榮等對曰皇太子孝友仁
厚天下屬心允稱陛下付託上崩榮與左右中貴

人奉殮如禮以去京尚遠戒勿發喪乃整軍旅嚴
號令以行衆遂推榮偕中官海壽馳還報皇太子
宣大行遺命仁宗皇帝嗣位累遷太子少傅兼謹
身殿大學士尋進工部尚書兼前兩官三俸俱支
上常命範白金爲方寸印四枚文曰繩愆糾繆以
賜師傅榮與幼孜各受其一宣德初高煦反在廷
多懷二心惟文臣三四人勸上親征榮其首也遂
扈從討平而還交趾黎利聚抗王師總帥孱弱不
支輒與利和且爲利奏請立陳氏後奏至上以示

建安縣志

卷之六

名宦

十五

文武大臣皆勸擊之上從榮言竟偃兵息民是年
八月車駕巡邊至遵化聞北兵逼塞下以道隘師
難竝進上率鐵騎數千先馳擊之文臣獨榮在從
旣還進少傅製白金圖書刻方直剛正四字賜焉
數月上念榮先年老臣命與蹇義等四人並輟職
務惟朝夕左右侍論議加賜玉帶御製詩畫秩滿
吏部以聞降勅褒諭仍賜宴禮部遂頒少傅誥進
封三代後兩扈從巡邊皆至洗馬林而還正統改
元屬宣廟實錄成榮以總裁進光祿大夫柱國少

師兼尚書大學士如故仍賜玉帶時上日勤聖學
命榮同知經筵事五年謁告省墓詔遣中官護行
趣還京薨於武林蓋春秋七十云榮立朝四十年
皆居清密考鄉試者一讀廷試卷者九充實錄總
裁者三爲人閭疏果毅遇事當爲奮前不疑于論
古人必欲出親見不肯苟同議辟卒歸寬恕尤勤
職事盛寒暑及小疾未常少息凡荒裔邊徼事及
將帥勇怯智愚靡不通知故忖量事勢悉皆預中
一代相業以榮爲首稱榮內篤孝友睦姻之行家

建安縣志

卷之六

名宦

十六

故豐裕且有厚祿能濟窮恤患無間疎戚性喜賓
客善交際雖貴盛無崖岸貴賤大小皆歸心焉所
著有兩京類稿玉堂遺稿訓子編北征記藏家

雷鏗字有融填族子也永樂進士選庶吉士授雲
南道監察御史巡按雲南考察藩臬以下官員無
少假貸奏戮內臣採辦害政者一十九人時守帥
頗驕蹇不法每以厚利陷巡歷者無不入其籠絡
鏗分毫無所取守帥懼預遣人構之于京及鏗復
命坐言語不正出知蕪湖縣都御史顧佐素嚴毅

慎許可特薦鏊於朝陞浙江按察僉事時處州草寇葉宗留竊發設計勦滅之勅巡視浙江福建海道許便宜行事未幾卒鏊居官清謹所至有冰蘖聲旣卒浙人作詩哀之有除却數函書籍外別無一物載歸舟之句

楊旦字晉叔榮之曾孫弘治進士授吏部驗封司主事歷考功郎中人不敢干以私尚書王恕倪嶽馬文升咸器重之陞太僕少卿改太常正德丙寅乞省親時中官劉瑾橫恣嫌不往謁以違限外調

建安縣志

卷之六 名宦

十七

溫州知府陞浙江提學副使瑾誅屢陞府丞府尹南京戶禮二部侍郎尋陞都察院右都御史總督兩廣削平徭獍事聞降勅獎勵初弘治間廣西思恩府岑濬作亂田州土官岑猛至是寅緣復官旦持法竟不徇一時諸路土官爲之帖服改南京都察院掌事未幾陞南京戶部尚書尋改南京吏部已而上召吏部欲大用之時議大禮旦率出都部院長上疏論列有旨令致仕旦操履方正不事華靡居家坦然自適初若不知其位至通顯者卒聞

上諭癸祭

林命字子順令溧陽金壇有聲擢諫垣首疏議革冗官復條閩中致寇六事得借留都積帑及閩中屯鹽之賦四十萬餘以克軍餉出叅楚藩晉廣東廉訪尋有忌者左遷金華推官量移南部遂解組歸命提身高潔居常撮集古人嘉言懿行爲正氣傳自警歷官十餘年一稟清白而憂國公忠議論封駁不以詞色假人遇公正輒發憤所著有正氣錄十卷春秋訂疑十二卷陽溪堂集十六卷

建安縣志

卷之六

名宦

六

李默字時言自幼穎雋不凡第進士遷翰林院庶吉士嘉靖改元修代來功擬執政封爵默力爭觸憲改戶部主事陞兵部員外郎差兌大同軍士戰馬該鎮素悍會經畧侍郎胡瓚措置失當輒嘯呼默亟疏易帥兵變遂定調入吏部議復劉誠意及常李湯鄧四氏勲爵邵真人以方術貴幸請詣封默持不與常因計吏條上地方事宜論次爲輿地圖數卷凡形勢要害兵賦修攘之略悉具家宰桂萼見而奇之特爲奏聞世廟嘉悅文武會試皆

充同考官因辨論賓禮位次忤王司馬謫倅寧國
府擢廣東僉事雲南提學副使及浙江左右布政
使所至著卓異聲時大臣有以黜公輔罷薦于上
者遂陞太常寺卿掌南國子祭酒事尋陞禮部侍
郎奉特旨撰庚戌進士題名記秋八月燕京烽急
守南門防禦周備未幾擢吏部尚書進賢拔滯秉
公持正相嚴嵩不得引用一私人遂與有恠值推
張臬爲遼東巡撫而臬故嵩之所啣者咸寧侯仇
鸞亦以請託不遂交讒中傷罷歸續鸞以逆誅御

建安縣志

卷之六 名宦

九

批起點更部尚書眷注益隆許乘馬禁中有所撰
進御者忠好二字以褒之時將有入相之命而諸
僉邪益耽耽側目客有以明哲爲規者默嘆曰吾
備位公卿年幾六十尚復何求惟致身以答主恩
足矣大計獨持衡鑑戒門下無得通賓客嵩滋不
悅會侍郎趙文華求大司馬不從乃撫部試策題
爲謗訕而嵩主之遂誣奏下獄尋卒趙文華入京
前一夕慧出軫長數尺占者豫知爲妨正蔽明之
象事詳國史鄭端簡嘗稱默文章氣節表著一時

穆宗朝臺省岑用賓等明其寃准復官勅祭葬神宗贈太子太保謚肅愍錄其孫鈐入監讀書所著有羣玉樓稿孤樹哀談建安人物傳朱子年譜輿地圖行于世祀鄉賢

忠烈

宋

曹覲字仲賓爲叔修古後以蔭補建州司戶叅軍皇祐中以太子中舍知封州儂智高叛陷邕管至封州州人未知兵士卒僅百人又無城隍可守或

建安縣志

卷之六

忠烈

二十

勸覲遁覲正色叱之麾都監陳華引兵迎封川令率鄉丁弓手繼進賊數百倍華兵敗走鄉丁亦潰覲率士卒決戰被執賊戒勿殺粹使拜且誘之曰從我授汝兵柄妻汝女覲不拜且大罵賊猶惜之徙置舟中不食者三日探懷中印授從卒令間道以印上官賊知其無降意殺之至死詎不絕投屍江中年三十五妻劉氏聞夫死曰吾不可污于賊亦自經事聞贈太常少卿謚忠肅妻封彭城縣君錄其四子後田瑜安撫廣南爲立廟封州

詳見宋史本傳

雷龍濟字畊祿號師古鄉貢進士常舉義兵赴崖山圖復王室歿于萬石灘

明

雷潛字孔昭領宣德壬子鄉薦正統初授武選主事遷屯田郎中土木扈從死于難贈奉議大夫

死事附

宋

李之邵建炎初爲新喻武尉隆祐太后幸虔州扈從軍所過燔掠遂爲叛之邵扼之萬全里兵敗不

建安縣志

卷之六

忠烈

三

屈賊殺之賊魁聞其將死之言誅其害之邵者邑人立祠萬全

元

雷杭字彥舟與兄機拱以易鳴於時常著周易註解行世時稱雷氏易授儒學提舉遷武平縣尹調潮陽以死事贈奉化州知州官其子煜爲同知雷燦字景星領潮江鄉薦任泉州路塗嶺巡檢國中亂起兵助王師死贈將仕郎上杭主簿官其子墉祀學官

明

龔錡字台鼎一字良罷宜德進士博學善詩字書
道勁授翰林編修坐累失官正統戊辰沙尤盜起
慮募爲大軍鄉導至高陽里爲賊所害所著有蒙
集子沉進士

楊璞字希王本浙江人父暉任建安丞遂家焉資
性明敏文氣英發舉進士選爲庶吉士曹欽之變
入朝遇害贈翰林編修

風節

建安縣志

卷之六 風節

三

南唐

游簡言字敏中父恭唐末進士入吳爲駕部員外
郎知制誥簡言少孤力學起家爲秘書省正字徐
知誥鎮金陵辟爲戶曹叅軍掌元帥府文翰遷觀
察巡官保大中爲翰林學士禮部侍郎守職恭恪
國家之務非其任者不言貞介獨立不爲阿附後
主卽位漸見知遇自吏部尚書遷左僕射委以南
省之事請託不行頗爲羣小所怨以疾辭不許及
拜相而疾亟卒年五十七

詳見南唐
書本傳

宋

葉默彥思元豐中進士徽宗朝爲宗正丞累官
至朝議大夫知泗州詔改宣梵院爲神霄宮默奏
疏極論漢唐之主崇信方士廣建真館使困民力
於興作費財用於土木非闡教明道之意疏入謫
柳州後復官自便卒贈通議大夫

黃齊字思賢祖展文儼竝登第而展尤有聞于慶
曆皇祐間齊歷起居舍人進中書兵部侍郎少有
文藝名後累官臺省每進對徽宗屢見稱獎二蔡
柄用非時不見于私第以顯謨閣待制知通州建
炎間卒

建安縣志

卷之六

風節

三

練幹譽字克家登崇寧三年進士調邵武尉再任
福州戶曹尚書黃裳帥福事鉅細咸委之爲知考
城縣時督辦軍賦甚急幹譽堅以民力匱竭爲請
巨瑞有以私囑之者卒寘于法除知濠州丐祠歸
靖康初嚴陵有警經制使翁彥國檄幹譽收捕幹
譽躬率將士備禦城賴以全詔增一秩賊平以疾
卒邦人德之爲建祠焉幹譽與王黼有庠序之舊

及黼當國不一造其弟子梁補通直郎以廉著稱
雷真字原中進士授工科給事中糾劾無所避永
樂二年奉命鎮守蘇常松三府撫綏民兵誅鋤奸
慝未及一載封章凡四十上所言多稱旨繼復命
巡按廣西吏畏民懷諸蠻讎服明年卒有司蒞其
喪惟澣衣半篋詩文奏稿數帙而已所著有原中
類稿

江貞字彥清登永樂間進士除禮科給事中挺挺

建安縣志

卷之六

風節

三

敢言面常紅赤色一日奏對上疑其被酒貞不敢
辯遂謫充都察院吏久之上悟除浙江龍游縣知
縣爲政不苛有惠及民甚德之卒于官

雷吉生字祐之永樂進士除監察御史巡按江西
湖廣山東所在風裁凜然高煦將爲不軌吉生廉
得其事以聞不報後高煦誅連坐巡按者吉生以
言得免尚書李慶以才幹得上意任情恣肆吉生
露章劾之出知交趾宣化縣時蠻方初附人心頗
梗畏吉生廉明遂鳩之後李慶事敗方擬召用

吉生已死

鄒熙字孟輝沉默淳厚博極羣書繇歲貢任德慶同知寬厚莊誼民安其政從弟烜

鄒烜字允輝不樂鄉薦授山西道監察御史糾奸觸邪不避權勢時有奏江陰侯不法者命烜鞠之盡得其情竟坐左遷衛經歷終沔陽知州致仕卒年七十二

楊崇字遜夫弘治鄉薦任禮部員外郎武宗朝諫南巡廷杖僉憲雲南清苦淡約致仕歸

建安縣志

卷之六

風節

三

楊易字乾叔正德間進士歷官戶部員外郎嘉靖議大禮易與同官諍之廷杖尋遷雲南副使博雅好古所著有嘉會詩稿石雲困學集

陳烈字思紹嘉靖壬戌進士司理紹興府勢家陷人於辟獄具烈爲之平反時有以墨敗者諸司率受賂烈獨無有及對簿亡烈名由是薦擢御史劾奏中貴又抗論新鄭高相出守處州甃堤濬堰均田平賦士民德之晉廣東監軍副使督兵擒斬剽盜朱良寶等患潮寇悉平欽賞白金及文綺有差

疏乞終養撫按交薦不出萬曆間入祠

楊柱字守謙嘉靖間鄉薦授清浦令首疏河道民利之忤監兌官請教湖廣陞荊州判端午節遼王命駕出郭柱諫沮王怒責跪殿三日感雷火擊殿獲釋調判韶州

雷金科字潤溪嘉靖癸丑進士任禮部儀制司主事不附嚴嵩左遷監官尋擢浙江寧波府繕城堡習技擊稽伍符暇課藝膠序士民尸祝於慈湖書院

建安縣志

卷之六

風節

三

林德卿字懋官隆慶初由歲貢訓導擢博興令邵陵王索賦急卿往條不可狀王怒繫逮之呼爲鐵頭閩子又條減清軍數御史爲疏請致仕歸監司宋行部建州知其廉贈以百金卿謝曰吾寧前庚後距邪食疏衣蔽嘗咏四休以自適縉紳重之楊百朋字元重萬曆乙未進士性孝友初令合浦中貴人採珠蔑視守令朋據禮不爲屈以卓異擢戶部郎中管理淮閘裁罷日供羨金輸縣官守吉安益勵清操丁外艱歸服未除卒

良吏

宋

李虛已字公受父寅仕南唐有清節入宋登雍熙二年進士爲衢州司理叅軍出倅南昌虛已少從寅修學廬山先寅登第調沈丘尉遷殿中丞提舉淮南茶場官知遂州遂一作榮時太宗勵精政事命選中外能吏給錢賜之與賜二十餘人虛已爲首因獻詩自陳父子遭遇榮及祖母太宗悅賜五品服更賜其祖母錢五十萬本賜錢五十緡耳遂誤作

建安縣志

卷之六

良吏

三

萬論者爲虛已篤行家貧殆天貺也會遣使察川陝吏復與薛顏邵曄查道等數人以能稱遷屯田員外郎通判洪州召爲侍御史出提點荆湖南路刑獄徙淮南運副累遷兵部郎中以龍圖閣待制判大理寺與查道等同備勸講久之乞外真宗稱其儒雅循謹特遷右諫議大夫出知河中府召權御史中丞進給事中知洪州遷工部侍郎徙池州求分分南京卒虛已性夷曠事親孝喜爲詩晏殊其壻相與唱酬有雅正集二十卷行于世

曹脩睦字公臣大中祥符進士累知邵武縣遷殿
中丞知鬱林州聞母疾委州印於其佐北走歸道
未至被喪哀瘠過禮服除判泉越二州知邵武軍
景祐中用薦爲御史改司封出知壽州移泉州鑿
湮塞渠田以復逋租坐舉者奪司封去官後起知
吉州上書休官不聽分司南京旣而嘆曰不事事
而受祿不可謂廉復申前請許之章得象表其高
節詔還所奪官居數年聲聞益達朝廷以紫衣金
魚就第褒之用聳動天下范仲淹嘗贈以詩云泉

建安縣志

卷之六

良吏

六

南曹使君詩源萬里長復我百餘言疑登孔子堂
聞之金石音純純自宮商

張式字景則先浦城人徙建安登進士主將樂簿
邑有銀冶坐歲課不足繫者常數百人式籍其人
使貧富財力相兼課遂羨除祥符尉趙稹將并州
辟軍事判官稹所爲有不可徐啟諭弗忤稹以故
聽而式亦以此稱長者呂許公罷相以許州觀察
判官辟之又通判饒州一言而決數十年不決之
獄會擇河北御史中丞舉式得洛州賜緋魚又

知處州三司市絹十餘萬非經數式拒弗聽再
知濠壽二州人縊其妻以自殺告獄既具詰之立
服召爲開封府推官時宮中以私財爲佛寺置田
疏罷止之趙元昊反時誘人出私財助軍誘多者
得賞於是吏或劫富人出財式竝疏罷知岳州卒
式廉靜好書所居官皆有去後思見時事有不便
往往能極言老不治田宅所得祿置書遺子孫
章岵寶元元年登進士知蘇州湖海暴風民多漂
溺請蠲租賑恤鋤治奸吏豪右懾畏詔書褒美

建安縣志

卷之六

良吏

三

李虛舟字公濟以兄虛已蔭爲郊社齋郎調閩清
靖安尉俱有能名遷餘干令毀淫祠建夫子廟坐
事免後授校書郎知德安縣不就晏殊爲請于朝
乃除太子洗馬致仕終尚書虞部郎中

陳郭字彥聖登嘉祐間進士調廬州司法叅軍再
授歙州推官後知崑山縣值歲饑屬邑希部使者
旨不敢蠲賦郭曰歲饑而賦不蠲何以字民卒蠲
之後爲司農丞未嘗謁政府遷太府請外除福建
轉運使元符中以元祐黨廢後復官朝奉大夫卒

郭性剛亮歷官五十年帑無贏貲退無居廬舊吏以郭貧餽金數百兩竟不受

閩書舊志嘉祐進士係建陽人

葉康直字景溫知光化縣縣多竹皆編爲屋康直教用陶瓦以寧火患與穀城令豐稷同時人歌之曰葉光化豐穀城清如水平如衡元祐初知秦州夏人侵甘谷戒諸嚴設伏待殲其二將進寶文閣待制陝西都運使以疾請知亳州通濬積潦民獲田數十萬畝召爲兵部侍郎而卒

徐壽字君明知秦寧縣會改鹽法州縣令民計口

建安縣志

卷之六

良吏

三十

買鹽民苦之壽不肯從願納袍笏邑人繪像祀之元祐中按察使張汝賢以狀聞特改京秩

謝燾字志遠少穎邁通貫經史登紹聖元年進士授邵武推官岳飛趙康直聞其政美同日薦之改通直即知光澤縣累官知衡州致仕歸

翁谷字子靜政和間進士宣和三年權知崇安廉介善幹浙寇邇閩境甚熾團結鄉兵立二寨控扼之時與黃琮陳麟號閩部三循吏提刑俞向惡其不附已誣以他罪奏貶循州道死人咸冤之靖康

初臺評論列始獲昭雪

熊適字述之登重和元年進士初丞順昌與丘之立同時事事與協濟縣當兵後政無不舉調建德令歷台州臨江通判爲人明敏而寬裕有長者之德未老掛冠胡寅溪器之

王以詠字永言宣和六年進士初調江陵府刑曹知舍山縣方金人勢熾酈瓊輩相繼叛逆兩淮蹂踐所至蕭條詠拊摩邊邑安靜不擾爲劉琦所知大將岳飛尚書趙康直同日論薦改通直郎知光澤縣疏剔滯訟剖決如流累遷知衡州終其任未嘗妄費帑有積錫或以羨餘獻詠曰積帑在官物吾不忍爲也後官至朝散大夫

葉薦字宋頴建炎進士調候官丞紹聖中爲福建帥幕汀寇起遠近驚擾薦被檄直造巢穴諭以禍福賊黨聽命又調羅源令率民築白柯塘以捍田百餘頃民立祠刻石以報

江安止字元靜南渡初知麗水撫安善良嚴于治盜隣寇至率衆禦之境內無虞代還之日民泣送

丘之立字斯行建炎二年成進士紹興初知順昌
廉明仁惠縣遭兵後力撫摩之政先農業田荒者
借種與牛寬其租限訟息刑簡民日阜安
謝天民字彥先紹興十年知仙遊縣有興學起廢
之功又置田積歲收爲異時修葺計天民雅有文
藻所著學規模贍有體

周明仲字居晦乾道間進士好讀書有志當世官
宣教郎淳熙甲辰常平使者宋若水知其賢以魏
元履所立建陽長灘社倉事屬之明仲力爲振葺
建安縣志 卷之六 良吏 三
兼文公夏貸冬歛收息什二之法行之三年什二
之收歲以益廣文公爲作記稱之

黃由庚字道卿乾道中知南康循胥奸民表裏寅
緣由庚正其詭俠破其囊橐田里晏然

李大正字正之乾道中尉遂昌去爲會稽令念遂
民不忘求知其邑事旣至判滯案均賦稅淳熙中
由提點知南安軍理賦稅計利害皆窮源剔去所
蒞事判決如流毫髮快人心

葉文炳字晦叔舉進士調晉江簿遲次家居致書

請益於朱文公及至官文公告以居官臨民之法
時顏師魯爲守事參咨之決汀州境上豪民相讐
敵帥張忠定選官撫諭衆皆憚行文炳獨請往旣
至折之以理諸豪皆伏再攝獄攝舶拒絕苞苴不
遷就公卿貴人請師魯以與徐誼陳傳良竝舉於
朝秩滿調劍浦令改閩縣丞未上服母喪旣闋調
筠州錄叅前後兩太守寬嚴不同文炳眡其所偏
資助之嘗言獄事至重當顧理是非不敢徇喜怒
獄有巨援文炳爭守入之守有所欲入文炳故緩

建安縣志

卷之六 良吏

三

其事待其自寬露旣前後守多媿以服邊事作調
兵於州營卒憚行頗沟沟文炳諭以國家叅養厚
恩使奮前戮力復白州優賞之皆聽命改秩知仙
遊決累年滯訟出死獄增廩養士像故相葉正簡
公于學富室有不便民者累政不能奪聞部使者
窮治之差役久爲平民害勸立義役均產通差故
例建工役責之僧刹文炳秋毫無所專配每與同
官語曰貪污自多欲尚侈始小官俸廩幾何百爾
皆欲如意不受賂安從得清心寡欲正本澄源乃

吾儒功用秩滿造朝會有旨許曾作縣人言事文炳條便宜三事以獻通判和州將之官服父喪尋卒

李勳慶元間進士知漳州建小學以教民真西山稱其著文章之錄長政事之科

陳梓字處恭局之孫慶元五年進士任荔浦尉轉贛丞李元礪叛洞獠反側州擇屬慰撫皆憚行梓曰苟利於人吾何愛死深入與其獠長來州欲殺之竟以力爭得全州後有事于洞拒曰必得陳縣

是安縣志

卷之六

良吏

三

丞乃可辟令信豐治妖誣劄課試以勸士改知寧化通判南雄以薦知南恩到郡始視事例取公鑑若干梓却之有持一鹿獻者梓如直償之未幾江寇竊發移鎮南安寇相戒不敢犯境陞本路漕使屬部有餽贖斥去更以例冊進曰某也可梓曰非君賜皆不可就領安撫司事屬歲不登極力講求荒政卒爲稔歲卒年六十六官至朝請大夫王洪之嘉定間知沙縣廉明不苛時稱能吏召拜

大理評事

吳勢卿字安道寶祐中知處州大旱勢卿行義倉法計口勸分松揚盜起率民義勦平之尤留心學校親講四書西銘以淑後生

姜明知福州安集逃移建理庶務人安政平稱聲一時

元

雷機字子樞元詔行科目閩中第自機始授古田丞遷延平總管府知事沙縣民豐于財身歿子幼有強暴欲據其業賄于上下訟久弗定機下廉吏

建安縣志

卷之六

長吏

三五

鞠之竟白改邵武總管經歷邵長官西域人恃與憲部有連與守議稍不合遽引杖擊守守俛首遁機曰苟如此天子法安在獄有不平與庭辨不爲屈調與化尹察豪大姓數家置之法其臨事燭見秋毫邑稱雷神已察知邑中賦役不均率吏民焚香祝天出矢言祝已令各實田隨高下爲定每一鄉畢具揭姓名皆驩悅莆仙二縣與錄事司之民竝來訴郡願得雷侯爲我定賦已則又驩悅丁內艱服闋轉湖廣儒學副提舉月書季考具有成法

擢延平總管府推官順昌尤溪沙南平數縣疑獄
株連累歲悉得解釋建義學延鄉貢進士陳竑願
教之羅天麟反汀界上立堡柵集丁壯盜不敢犯
陞惠安尹究心學政以興禮讓之俗三歲最諸邑
代還民立祠樹碑鄉井通除汀州總管府推官築
城開濠以實保障申屠通僉事閩部行郡至汀稔
知機賢悉委訟牒已不俟引年遽上休致朝廷嘉
其廉退陞翰林院待制階朝散大夫機軀幹魁梧
方面美髯居官尤盡心獄事夜叅半孤燈熒熒繙
建安縣志 良吏
卷之六 三六

閱成案不休曰人命至重爲人嚴而不苟和而不
流所著文辭森嚴演迤有龍津龍山鄞川環中黃
鶴磯梅易齋碧玉環七稿

明

鄭陽字彥嘉洪武乙丑進士授監察御史時天下
初定法令嚴肅郡邑吏坐罪逮繫者多旣解戍命
賜就龍江編次其行伍時暑甚諭以上恩慰撫之
脫其鉗械俾各就居止旦一詣視有疾病羸弱者
捐祿米饘粥之皆感悅湖廣布政司奏缺官賜秩

滿遂與簡討吳文竝出爲叅議二人同德協力清
簡寬直竄爲知名時諸曹吏驕縱多以罪去賜至
申嚴約束吏相戒不敢爲非諸洞苗獠反側不常
郡縣苦之賜召其蠻長示以恩威寬其徭役諸蠻
感悅自是民得安堵丁內艱服除改北平布政司
叅議成祖在藩賜奉事甚謹被眷愛而謀國者疑
之謫置安東屯未幾召爲工部尚書旣命督軍務
河南拒靖難師成祖卽位李景隆言賜罪亞齊黃
逮至上問吾何如待汝遂相背耶賜曰亦盡臣職

建安縣志

卷之六

良吏

三七

耳上咲釋之改刑部尚書復轉禮部後稍衰病爲
侍郎趙狃所間上心輕之頃之卒上問翰林臣曰
賜不病遽死自盡耶楊士奇對曰病矣惶悸不敢
就醫上曰微汝言吾幾疑之其撰文遣祭贈太子
少師謚文安賜小心恭慎易直和厚解縉嘗于上
前稱其足爲君子所著有聞一齋集

王銘知德安縣邑有虎患入禱城隍一夕雷擊虎
於縣西之箬山隴重建文廟不費於民豈弟樂易
士民感德

江鐵字志堅永樂甲申進士選庶吉士預修永樂大典拜監察御史陞浙江按察司副使持法嚴明獄無冤滯得憲臣體轉廣東叅政卒

吳春永樂丙戌進士知婺源縣摧豪猾清獄訟均徭役始至時民有逋租數年未輸從容勸率無幾悉辦事隙輒至學舍與諸生講說飛蝗入境引咎額禱蝗悉赴水死卒民思之

陳原祐字君祥永樂壬辰進士授嘉興通判不少假人以法人亦因是希犯法者一時吏治以嚴辨

建安縣志

卷之六

良吏

三六

稱

連均字士平登永樂乙未進士除雲南道監察御史巡浙江海道以功擢江西右叅議嘗督武定州軍餉規措有方陞四川左叅政甚著威惠再陞江西右布政歷官四十餘年身無美衣家無增業人稱其介

朱泗字文魯文公八世孫領永樂鄉薦除壽州判官後改徐州值歲饑泗留本州京運以賑民而後申白督運多所全活民有被誣殺人者泗廉得

殺人者釋之建議以宋儒黃幹蔡沈劉燾真德秀
配享文公祠爲請于朝得行

張崇字存高永樂中以太學生授蕭山縣令爲政
仁恕有循吏風秩滿陞撫州通判改處州所至有
清操致仕歸

王英知崇明縣徙建城郭創縣治百方經畫犁然
就理從子銳亦以新城令補是邑將驗人戶分九
等定賦役法選秀敏庠士講經課業天旱蝻生爲
文祭八蜡神卽雨三日年爲大有棄文莊公盛立

建安縣志

卷之六

良吏

三

石刻文記之

雷仕旃字元芳成化乙未進士自戶部郎出爲浙
江僉事陞廣西副使浙江右叅政致仕尚書楊旦
謂士旃大節有三歷官中外囊橐蕭然一也閉門
却掃養高自守二也方不入時正不諧俗三也人
以爲確論云

雷仕檀字季芳正德舉人知安順州安順貴羈縻
地仕檀稍以漢法誘治之蠻長甯公沙者素桀黠
難馴皆俯首襲冠帶受約束遣子弟入學有指揮

縱奴殺人匿屍獄莫能決仕檀求得置法有盜官
錢事敗反噬制吏仕檀引例坐之擢河南府同知
賑饑捕蝗如不及以餘力斂才訓兵遷吉府長史
張存義字宜甫嘉靖癸丑進士授番禺令有聲擢
刑部郎出知惠州時盜賊充斥水旱不時道殣相
望捐俸及罰鍰市棺置亭中令亭長視之戒曰有
求卽施毋得留難月課諸生親評文義庫失金忽
有神降索而得盜人謂誠感會海寇陷府治官司
遇害以存義有惠政獲免擢兩淮鹽運使以疾乞

建安縣志

卷之六

良吏

四

歸囊金不滿百悉出以買祭田周族黨

楊斐字賓周弱冠成進士令峽江歷員外卽出守
肇慶府明習吏治爲民興利剔蠹皆毅然爲之會
廣中有羅旁之役旦夕勞瘁卒于官士民如喪考
妣瞽者亦望府門而哭哀詞至千餘章喪歸奔送
爲罷市

謝璿字天儀嘉靖間舉人善詩賦工古文詞初授
懷寧諭補教上虞陞石城令適海寇猖獗司道檄
往率兵抵境賊望風遁尋殲其渠魁歲旱雩祀齋

宿露禱三日遠近沾足秋獲瑞穀一本九莖縉紳
作歌紀之石城建生祠鐫善政四十餘條置縣治
左

楊徵字明夫由貢任九江推官毀淫祠改建郡學
勢家子怙惡徵按法治之却查盤例餽陞知德慶
州撫綏猺獞以廉能稱

朱東光字元曦隆慶戊辰進士授平陽令再補祁
門以卓异行取戶科給事中侍從經筵出督河工
績成加陞二級出爲廣東副使歷叅政有禦倭功

建安縣志

卷之六

良吏

聖

加俸一級東光家居恂恂與人交長厚不佻義所
不可必正詞戒之著有訓政編訓學編行于世

鄒希賢字淑輿一字星門萬曆壬辰進士初選山
東濮州知州遭歲饑民多流亡希賢設粥募糶疏
河灌田歲因大熟尋陞戶兵二部郎中擢寧波守
以卓异奏績歷浙江副使巡視海道建立昌國定
海象山等處團練營衛轉江西叅政胡廣道致仕
歸所著有續麟稿春秋正解淑輿別集等書

陶宗崑號行泉敦孝友篤學能文郭子章崑重之

以歲貢授寧德訓陞永春諭葺文公福建尊經閣
擢廣西洛容令軍興增賦宗器奏狀免之陪巡恤
部全活無辜以目盲致政歸卒年八十有四

國朝

鄭重字威如號山公順治戊戌進士初令靖江邑
爲馬馱沙故道三面環江壤接秦興如臯地皆窪
下浚栢城石碇五港以資蓄洩復疏七十二支港
漑灌團河三邑永無水患行取行人考選吏部主
政歷四司郎嚴明簡要中外推之轉鴻臚光祿少

建安縣志

卷之六

良吏

四三

通政司左右通政督捕左右理事遷副憲凡會議
公愼自矢不縱不阿陞刑右轉左明允欽恤諸司
案呈慮有出入檢閱再三罪疑惟輕如承追旗員
侵那一案所司請文官亦照兵部例踰年未完統
轄上司分別降調重惻然曰苟如是是且蔓延無
已議寢不行民有以鹽三斗易米比私販拒捕律
擬辟者駁勸特從寬宥又民殺大功弟拉其弟同
行獄成以故殺大功卑幼俱絞重謂律不言皆同
行應分首從得免死康熙二十四五兩

